

Bosna i Hercegovina  
DRŽAVNA REGULATORNA KOMISIJA  
ZA ELEKTRIČNU ENERGIJU



Босна и Херцеговина  
ДРЖАВНА РЕГУЛАТОРНА КОМИСИЈА  
ЗА ЕЛЕКТРИЧНУ ЕНЕРГИЈУ

Broj: 05-28-13-144-14/19  
Tuzla, 24. jula 2019. godine

## NEZAVISNI OPERATOR SISTEMA U BOSNI I HERCEGOVINI


## ELEKTROPRIJENOS BOSNE I HERCEGOVINE

Predmet: Indikativni plan razvoja proizvodnje za period 2020. – 2029. godina

Poštovani,

Obavještavamo vas da je Državna regulatorna komisija za električnu energiju, na sjednici održanoj 24. jula 2019. godine, donijela Zaključak broj 05-28-13-144-9/19 i Odluku o odobrenju Indikativnog plana razvoja proizvodnje za period 2020. – 2029. godina (broj 05-28-13-144-10/19). Navedena akta se dostavljaju u prilogu.

S poštovanjem,



Suad Zeljković  
*[Signature]*  
predsjedavajući Komisije

Prilozi kao u tekstu

**Bosna i Hercegovina**  
**DRŽAVNA REGULATORNA KOMISIJA**  
**ZA ELEKTRIČNU ENERGIJU**

Broj: 05-28-13-144-9/19  
Tuzla, 24.7.2019. godine

Na osnovu člana 4.2 Zakona o prenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11) i člana 36. Poslovnika o radu Državne regulatorne komisije za električnu energiju ("Službeni glasnik BiH", broj 2/05), u postupku odobravanja Indikativnog plana razvoja proizvodnje za period 2020. – 2029. godina, Državna regulatorna komisija za električnu energiju, na sjednici održanoj 24. jula 2019. godine, donijela je

## ZAKLJUČAK

### I

Državna regulatorna komisija za električnu energiju (u daljem tekstu: DERK) ponovno naglašava više puta iznijeti stav o odsustvu analitičkog pristupa pri bilansiranju novih proizvodnih kapaciteta i procjeni potrošnje u Indikativnom planu razvoja proizvodnje (u daljem tekstu: Indikativni plan). Posljedice dosadašnjeg načina bilansiranja, odnosno nekritičkog preuzimanja podataka od korisnika prijenosnog sistema, mogu biti dalekosežne jer pretpostavke i želje korisnika i potencijalnih investitora nisu i ne mogu biti valjan osnov za adekvatno planiranje razvoja prijenosnog sistema.

### II

Uvažavajući kraj decembra kao krajnji rok za dostavu podataka korisnika prijenosnog sistema za izradu Indikativnog plana, DERK je i dalje na stanovištu da ovaj rok ne podrazumijeva odsustvo obaveze Nezavisnog operatora sistema u Bosni i Hercegovini (u daljem tekstu: NOS BiH) da Indikativni plan inovira sa aktuelnim i relevantnim podacima i informacijama tokom njegove izrade.


Ističući da planski period započinje sa narednom kalendarskom godinom, DERK u narednom periodu neće odobravati Indikativni plan koji ne uvažava sva saznanja i činjenice koje budu poznate sve do dana njegovog utvrđivanja od strane Upravnog odbora NOS-a BiH.

### III

DERK, nezavisno od procedure utvrđivanja Indikativnog plana unutar NOS-a BiH ili od rokova koji se daju korisnicima prijenosnog sistema, naglašava svoje zakonske i regulatorne ovlasti u odobravanju Indikativnog plana i zadržava pravo iznošenja svojih komentara i primjedbi u bilo kojoj fazi do konačnog odobrenja dokumenta, te procijenjivanja da li su isti i u kojoj mjeri uvaženi pri odlučivanju o davanju ili uskraćivanju odobrenja.

Ovaj zaključak stupa na snagu danom donošenja.

IV



Predsjedavajući Komisije  
Suad Zeljković

Na temelju članka 4.2 Zakona o prijenosu, regulatoru i operatoru sustava električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11) i članka 36. Poslovnika o radu Državne regulatorne komisije za električnu energiju ("Službeni glasnik BiH", broj 2/05), na sjednici Državne regulatorne komisije za električnu energiju, održanoj 24. srpnja 2019. godine, donijeta je

**ODLUKA**  
**O ODOBRENJU INDIKATIVNOG PLANA RAZVOJA PROIZVODNJE**  
**ZA RAZDOBLJE 2020. – 2029. GODINA**

1. Odobrava se Indikativni plan razvoja proizvodnje za razdoblje 2020. – 2029. godina, koji je utvrdio "Neovisni operator sustava u Bosni i Hercegovini" na 162. sjednici Upravnog odbora održanoj 14. lipnja 2019. godine.
2. Ova odluka stupa na snagu danom donošenja, a dispozitiv odluke bit će objavljen u "Službenom glasniku BiH" i službenim glasilima entiteta.

*Obrazloženje*

Neovisni operator sustava u Bosni i Hercegovini (u daljnjem tekstu: NOS BiH) dostavio je 30. travnja 2019. godine Državnoj regulatornoj komisiji za električnu energiju (u daljnjem tekstu: DERK) Odluku o utvrđivanju Indikativnog plana razvoja proizvodnje za razdoblje 2020. – 2029. godina, broj 25/19, donesenu na 157. sjednici Upravnog odbora NOS-a BiH od 29. travnja 2019. godine, kao i tom Odlukom odobreni Indikativni plan razvoja proizvodnje za razdoblje 2020. – 2029. godina (u daljnjem tekstu: Indikativni plan). O ovom planskom dokumentu, na inicijativu DERK-a, 2. travnja 2019. godine obavljena je javna rasprava.

DERK je detaljno razmotrio dostavljeni Indikativni plan, te je svoja zapažanja i komentare uputio NOS-u BiH 28. svibnja 2019. godine, zahtijevajući doradu ovog planskog dokumenta i njegovo ponovno dostavljanje DERK-u na odobrenje.

NOS BiH se dopisom od 10. lipnja 2019. godine očitovao na iznijeta zapažanja DERK-a, te najavio da će se na prvoj narednoj sjednici Upravnog odbora razmatrati DERK-ov poziv za doradu Indikativnog plana i utvrditi inovirana verzija.

Konstatirajući da u inoviranom dokumentu nije uvažen značajan dio ranije upućenih zapažanja, DERK uz donošenje ove Odluke Zaključkom broj 05-28-13-144-9/19 od 24. srpnja 2019. godine naglašava svoje stavove o načinu i proceduri izrade Indikativnog plana, na kojima će inzistirati i u narednom razdoblju.

Zauzimajući stav da je ipak prioritetni cilj nastavak daljnjih planskih procesa koji su vezani ili uvjetovani Indikativnim planom i definiranje razvojnih usmjerenja prijenosne mreže, i pored rezervi iznesenih u Zaključku, DERK je donio odluku kao u izreci.

Broj: 05-28-13-144-10/19  
24. srpnja 2019. godine  
Tuzla

